

Ministarstvo unutrašnjih poslova Kantona Sarajevo, Uprava policije, ulica La Benevolencija broj 16, koga zastupa zamjenik policijskog komesara, Glavni inspektor Fatmir Hajdarević, (u daljem tekstu Ugovorni organ)

i
EUROHERC osiguranje d.d. Sarajevo, Trg međunarodnog prijateljstva broj 20, ID: 4227015330006, koga zastupa direktor Damir Hadžić (u daljem tekstu: Dobavljač)

zaključili su:

UGOVOR O SUKCESIVNOJ NABAVCI USLUGA OSIGURANJA MOTORNIH VOZILA (OBAVEZNO I KASKO), RADARSKIH SISTEMA I KUĆIŠTA ZA RADARSKI SISTEM SA PRATEĆOM INFRASTRUKTUROM (LOT 1)

Član 1.

Predmet ovog ugovora je pružanje usluga osiguranja motornih vozila (obavezno i kasko), radarskih sistema i kućišta za radarski sistem sa pratećom infrastrukturom za potrebe Uprave policije Ministarstva unutrašnjih poslova Kantona Sarajevo, a u skladu sa tenderskom dokumentacijom i ponudom Dobavljača, broj 23303875 od 04.05.2023. godine, koja čini sastavni dio ovog ugovora.

Usluge osiguranja koje su predmet ovog ugovora obuhvataju:

- LOT 1 - osiguranje motornih vozila, koje podrazumijeva: obavezno osiguranje od automobilske odgovornosti (auto odgovornost) i kasko osiguranje bez uključenog rizika od krađe.

Član 2.

Ukupna vrijednost ovog ugovora iznosi:

- LOT 1 – 145.168,53 KM (jednastotinačetrestotihjadajednastotinašesdesetosam i 53/100) u skladu sa uslovima iz tenderske dokumentacije, ponudom Dobavljača, odredbama ovog ugovora i stvarnim potrebama Ugovornog organa.

Dobavljač se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog ugovora pružati usluge osiguranja motornih vozila Ugovornog organa.

Ponuđene cijene se mogu mijenjati samo u slučaju ukoliko nakon datuma stupanja na snagu ovog ugovora nastanu bilo kakve izmjene važećih propisa iz oblasti osiguranja, premijskih sistema, kojima se smanjuju ili povećavaju troškovi usluga obaveznog osiguranja motornih vozila i u slučaju da se pojavi potreba ponovnog obračuna malusa.

U skladu sa odredbama Zakona o o porezu na dodatu vrijednost ("Službeni glasnik BiH", broj 9/05, 35/05, 100/08 i 33/17), usluge osiguranja su oslobođene plaćanja PDV-a.

Član 3.

Dobavljač se obavezuje da će u roku od deset (10) dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 5% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku koji je odredio ugovorni organ, zaključen ugovor će se smatrati apsolutno ništavim.

Član 4.

Garancija za uredno izvršenje ugovora realizuje se u slijedećim slučajevima:

- u slučaju raskida ugovora krivnjom Dobavljača zbog kršenja odredaba zaključenog ugovora, pod uslovom da je prethodno pismeno obaviješten o svakom propustu da postupi po ugovoru i da u ostavljenom roku nije izvršio ispravku takvih propusta;
- u slučaju otkazivanja ugovora od strane Dobavljača prije isteka roka na koji je isti zaključen, pod uslovom da razlog za otkaz nije nastupio kao posljedica kršenja odredaba ugovora od strane Ugovornog organa.

Garancija za uredno izvršenje ugovora realizuje se protekom roka od pet radnih dana od dana raskida, odnosno otkaza ugovora.

Član 5.

Sastavni dio police osiguranja su Opšti uslovi za predmet osiguranja iz člana 1. ovog ugovora ukoliko postoji neslaganje između odredbi opštih uslova i ovog ugovora, primjenjivat će se odredbe ugovora.

Član 6.

Dobavljač se obavezuje da za osiguranje vozila izdaje pojedinačne police sa početkom osiguranja u zavisnosti od isteka registracije vozila, a prema spisku vozila koji je sastavni dio ovog ugovora.

Ugovorne strane će potpisati police osiguranja za vozila (auto odgovornost/obavezno i kasko). Dobavljač će osiguravati motorna vozila koja se osiguravaju, na zakonski period od godinu dana, počev od dana stupanja na snagu ovog ugovora.

Član 7.

Usluge će se izvršavati sukcesivno. Plaćanje premije za osiguranje motornih vozila (obavezno i kasko) će se vršiti na osnovu ispostavljenih mjesečnih faktura ovjerenih od strane Dobavljača, na tekući račun Dobavljača. Ugovorni organ se obavezuje da će plaćanje premije za osiguranje vozila (od autoodgovornosti i kasko osiguranje) plaćati po izdavanju polise u zakonskom roku, poštujući pri tome Mjere za osiguranje zakonitog vođenja poslova u oblasti obaveznog osiguranja od AO Agencije za nadzor osiguranja FBiH.

Član 8.

Ugovorni organ se obavezuje da će obavijestiti Dobavljača o nastupanju osiguranog slučaja najkasnije u roku od 3 (tri) dana od dana kada je saznao za to.

Član 9.

Dobavljač se obavezuje da će odmah po obavještenju od strane Ugovornog organa, pristupiti uviđaju i procjeni štete, a najkasnije u roku od 24 sata, te se obavezuje da Ugovorni organ može pristupiti saniranju štete kod svog ugovorenog servisa za popravku motornih vozila, na teret osiguranja.

Član 10.

Kada se desi osigurani slučaj, Ugovorne strane su saglasne da će se zahtjev obraditi, odnosno utvrđena šteta plaćati u roku od:

LOT 1 - 5 (pet) dana od dana dostavljanja dokumentovanog zahtjeva za plaćanje osiguranog slučaja.

Član 11.

U slučaju kašnjenja u pružanju usluga, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

Član 12.

Ukoliko poslije zaključenja ovog okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Ugovorna strana pogođena višom silom odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 13.

Ugovorne strane su saglasne da mogu jednostrano raskinuti ovaj ugovor i zadržati pravo na naknadu štete zbog raskidanja ugovora u slijedećim slučajevima:

- ako Dobavljač kasni sa vršenjem usluga, a zakašnjenje nije posljedica vanrednih okolnosti (više sile);
- ako Dobavljač dođe u situaciju da ne može ispoštovati ugovor (stečaj, likvidacija i sl.);
- ako neka od ugovornih strana svoje dospjele obaveze ne ispuni ni u naknadno prihvatljivom roku za sve ugovorne strane;
- ako je iz okolnosti posla jasno da jedna od ugovornih strana neće moći ispuniti svoju obavezu i onda kada bilo koja ugovorna strana izjavi da svoju obavezu neće ispuniti.

Obavještenje o jednostranom raskidu ugovora mora se dostaviti drugoj ugovornoj strani isključivo u pismenom obliku.

Ugovor se ne može raskinuti zbog neispunjenja neznatnog dijela obaveze. Kao neznatno neispunjenje obaveze smatrat će se ono koje bitnije ne otežava ostvarivanje svrhe ovog ugovora.

Član 14.

Dobavljač nema pravo zapošljavati, u svrhu izvršenja ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija ugovornog organa za javne nabavke, najmanje 6 (šest) mjeseci po zaključenju ovoga ugovora, odnosno od početka realizacije ugovora.

Član 15.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 16.

Eventualno nastale sporove pri realizaciji ovog ugovora, ugovorne strane će rješavati sporazumno, a u slučaju da se ne riješe sporazumno, utvrđuje se nadležnost Suda u Sarajevu.

Član 17.

Ugovor stupa na snagu danom obostranog potpisivanja od strane ovlaštenih osoba ugovornih strana, traje do realizacije ugovorene vrijednosti, a najduže 1 (jednu) godinu, od dana obostranog potpisivanja ugovora.

Član 18.

Ugovor je sačinjen u 4 (četiri) istovjetna primjerka, od kojih Ugovorni organ zadržava 2 (dva), a Dobavljač 2 (dva) primjerka.

**DOBAVLJAČ
EUROHERC osiguranje d.d.**

direktor Damir Hadžić



Broj: 29309/11.23

Datum: 06.06.2023 godine

**UGOVORNI ORGAN
MUP KANTONA SARAJEVO
UPRAVA POLICIJE**

**ZAMJENIK POLICIJSKOG KOMESARA
Glavni inspektor
Fatmir Hajdarević**

Broj: 02-11-4-2260-8/23

Datum: 06.06.2023.godine